

MY HOOGSTE ROEPING

God se doel met jou lewe:
'n God – mens liefdesverhouding

sodat

deur hierdie verhouding, ek saam met Hom

'n ewige tyd van oorvloedige lewe kan ervaar.

Joh 10:10b..... "Ek het gekom, dat hulle lewe en oorvloed kan hê."

Hierdie verhouding is:

a) 'n Ewige ervaring

Joh 6:50-51 "Dit is die brood wat uit die hemel neerdaal, sodat iemand daarvan kan eet en nie sterwe nie. ⁽⁵¹⁾ Ek is die lewende brood wat uit die hemel neergedaal het. As iemand van hierdie brood eet, sal hy lewe tot in ewigheid. En die brood wat Ek sal gee, is my vlees wat Ek vir die lewe van die wêreld sal gee."

b) 'n Huidige ervaring

Joh 15:10-11 "As julle my gebooie bewaar, sal julle in my liefde bly, net soos Ek die gebooie van my Vader bewaar en in sy liefde bly. ⁽¹¹⁾ Dit het Ek vir julle gesê, dat my blydschap in julle kan bly en julle blydschap volkome kan word."

1 Joh 5:13 "Dit het ek aan julle geskrywe dat julle kan weet dat julle die ewige lewe het".

Vir hierdie verhouding om te kan slaag en sy volle potensiaal te bereik, moet ek word en wees wat God oorspronklik in gedagte gehad het toe Hy die mens geskape het.

My rolmodel

Jesus was volkome God en volkome mens.

Kol 1:15 "Hy is die beeld van die on sienlike God, die Eersgeborene van die hele skepping. "

Hy is die verpersoonliking van die volmaakte God en volmaakte mens. Daarom ook die **Woord**. My rolmodel as mens is dus nie Adam en Eva nie, of enige ander mens nie, maar die Seun van die Mens, Jesus Christus.

Onthou God se skeppingsmotief met die mens.

"Na Ons beeld en Ons gelykenis".

Gen 1:26 "En God het gesê: Laat Ons mense maak na ons beeld, na onsgelykenis, en laat hulle heers oor die visse van die see en die voëls van die hemel en die vee en oor die hele aarde en oor al die diere wat op die aarde kruip."

Die probleem:

Met die eerste ongehoorsaamheid van die mens het sonde deel van die mens se bestaan en wese geword. **Gen 3**

Die gevolge daarvan in elke mens is:

God se beeld in my is geskend.

Rom 3:23 “ want almal het gesondig en dit ontbreek hulle aan die heerlikheid van God,”

My verhouding met God is verbreek.

Jes 59:2 “ maar julle ongeregthede het 'n skeidsmuur geword tussen julle en julle God, en julle sondes het sy aangesig vir julle verberg, sodat Hy nie hoor nie.”

Ek leef vanuit 'n sondige natuur.

Rom 7:18 “Want ek weet dat in my, dit wil sê in my vlees, niks goeds woon nie; want om te wil, is by my aanwesig, maar om goed te doen, dit vind ek nie.”

Daarom ervaar ek onsekerheid, mislukking en rebellie in my lewe. Die vrug daarvan is vrees, verwerping, en woede.

Verstaan die verskil tussen sonde en sondes:

➤ “Amartia” – Sonde: om God se doel vir my lewe te mis.

-- Sondes: die vrug van sonde. **Gal 5:19-21** “En die werke van die vlees is openbaar, naamlik owerspel, hoerery, onreinheid, ongebondenheid; ⁽²⁰⁾ afgodery, towery, vyandskap, twis, jaloersheid, toornigheid, naywer, tweedrag, partyskap; ⁽²¹⁾ afguns, moord, dronkenskap, brassery en dergelike dinge, waarvan ek julle vooraf sê, soos ek al vroeër gesê het, dat die wat sulke dinge doen, die koninkryk van God nie sal beërwe nie.

DIE KERN VAN SONDE IS 'N NATUUR WAT REBELLEER TEEN GOD SE WIL.

Daarom moet en wil die Here deel met die natuur in ons sodat Hy kan deel met die vrugte van die natuur. As gedeel is met die natuur (wortels van die boom, sonde) dan eers kan gedeel word met die vrugte (sondes). Appel bome kan nie anders as om appels te dra nie.

DUS:

○ Moet ek verander word – gerestoureer word na God se beeld.

• Hoe weet ek wat is God se beeld?

2 Kor 4:4 “ naamlik die ongelowiges in wie die god van hierdie wêreld die sinne verblind het, sodat die verligting van die evangelie van die heerlijkheid van Christus, wat die beeld van God is, op hulle nie sou skyn nie.”

Kol 1:15 “ Hy is die Beeld van die onsienlike God, die Eersgeborene van die hele skepping;”

- Die verandering begin in die hart.

Spr 4:23 “Bewaak jou hart meer as alles wat bewaar moet word, want daaruit is die oorsprong van die lewe.”

- Elke positiewe verandering in my lewe maak my meer soos Jesus Christus. **Rom 8:29**
- Hierdie verandering kan ek nie uit myself bewerk nie. **Efes 2:8,9**
- Hierdie verandering is 'n proses wat my lewe lank sal duur. **Rom 12:1**



JESUS CHRISTUS = GOD SE BEELD

Sonder verandering kan ek nie my hoogste roeping en dus my doel, bereik nie!

Rom 8:29 “Want die wat Hy vantevore geken het, dié het Hy ook vantevore verordineer om gelykvormig te wees aan die beeld van sy Seun, sodat Hy die eersgeborene kan wees onder baie broeders;”

Efe 4:22-24 “ dat julle, wat die vorige lewenswandel betref die oue mens moet aflê wat deur die begeerlikhede van die verleiding te gronde gaan, ⁽²³⁾ en dat julle vernuwe moet word in die gees van julle gemoed ⁽²⁴⁾ en julle met die nuwe mens moet beklee wat na God geskape is in ware geregtigheid en heiligheid.”

2 Kor 3:18 En terwyl ons almal met onbedekte gesig soos in 'n spieël die heerlijkheid van die Here aanskou, word ons van gedaante verander na dieselfde beeld, van heerlijkheid tot heerlijkheid, as deur die Here wat die Gees is.



Verandering deur God in my lewe bring restorasie na my ware identiteit en doel.

Agente in die restorasie proses:

- Heilige Gees.

2 Kor 3:18 “ En terwyl ons almal met Onbedekte gesig soos in 'n spieël die heerlijkheid van die Here aanskou, word ons van gedaante verander na dieselfde beeld, van heerlijkheid tot heerlijkheid, as deur die Here wat die Gees is.”

Jes 61:1-3 “Die Gees van die Here HERE is op My, omdat die HERE My gesalf het om 'n blye boodskap te bring aan die ootmoediges; Hy het My gestuur om te verbind die gebroekenes van hart, om vir die gevangenes 'n vrylating uit te roep en vir die geboeides

opening van die gevangenis; ⁽²⁾ om uit te roep 'n jaar van die welbehae van die HERE en 'n dag van die wraak van onse God; om al die treurendes te troos; ⁽³⁾ om vir die treurendes in Sion te beskik dat aan hulle gegee word sieraad vir as, vreugde-olie vir treurigheid, 'n gewaad van lof vir 'n verslae gees; sodat hulle genoem kan word terebinte van geregtigheid, 'n planting van die HERE, tot sy verheerliking.”

- Woord van God.



1 Pet 1:23 “want julle is wedergebore nie uit verganklike saad nie, maar uit onverganklike, deur die lewende woord van God wat tot in ewigheid bly.”

Jak 1 :21 “...en ontvang met sagmoedigheid die ingeplante woord, wat instaat is om julle siele te red.”

- Bedieninge (5 voudige bediening in die (gemeente, die liggaam van Christus) .



Efe 4:11-13 “ En Hy het gegee sommige as apostels, ander as profete, ander as evangeliste, ander as herders en leraars, ⁽¹²⁾ om die heiliges toe te rus vir hulle dienswerk, tot opbouing van die liggaam van Christus, ⁽¹³⁾ totdat ons almal kom tot die eenheid van die geloof en van die kennis van die Seun van God, tot 'n volwasse man, tot die mate van die volle grootte van Christus”

- Verhoudinge




1 John 1:7 “Maar as ons in die lig wandel soos Hy in die lig is, dan het ons gemeenskap met mekaar; en die bloed van Jesus Christus, sy Seun, reinig ons van alle sonde.”

Efe 4:16 “uit wie die hele liggaam--goed saamgevoeg en saamverbind deur die ondersteuning wat elke lid gee volgens die werking van elke afsonderlike deel in sy mate--die groei van die liggaam bevorder vir sy eie opbouing in liefde”.

- Beproeuinge.

Jak 1:3-4 “omdat julle weet dat die beproewing van julle geloof lydsaamheid bewerk. ⁽⁴⁾ Maar die lydsaamheid moet tot volle verwerkliking kom, sodat julle volmaak en sonder gebrek kan wees en in niks kortkom nie.”



1 Pet 4:12-13 “, verbaas julle nie oor die vuurgloed van vervolging onder julle wat tot julle beproewing dien, asof iets vreemds oor julle kom nie; ⁽¹³⁾ maar namate julle gemeenskap het aan die lyde van Christus, moet julle bly wees, sodat julle ook by die openbaring van sy heerlijkheid met blydschap kan jubel.”

MY HOOGSTE ROEPING IS OM TE WORD SOOS JESUS CHRISTUS!

